

龠山集

七

後編遺稿

金山續集

古懷堂藏板

龔山續集序


吳興嚴胤肇

修人

昔人有言文章以氣爲主夫詩與文一也而今言詩家往往較短長爭工拙於字句音響之間以爲苟能是是亦可以無憾矣試問其中之所以勃然而來沛然而往喤然而鐘呂鳴淒然而風雨至如怨如慕欲泣欲歌而不能自己者誰爲爲之曰不知也此之不知而自附於能詩吾不知於古宜風宜雅之旨何若也蓋孟子所云不得於言勿求於心不得於心勿求於氣此天下之通患也而於今之號能詩者爲甚龔山先生少以詩名天下篇什旣衆類焉自放若絕無意爲詩者及一再讀之乃知其以真至醇樸之氣發之爲優柔平中之聲悠然

與古太始之音無相遠蓋先生之才自有過人者而其氣足以達之且夫古之能詩者其初皆非有意於爲詩也其氣積乎其中而溢乎其外悲愉感憤浩歌淋漓有不知其所以然而然者辟之空山絕壑本非有聲忽而大風鼓之怒號洶洶陵谷爲之動搖草木爲之吟嘯豈非氣之所至聲亦隨之而彼所爲不得而勿求之氣者果何說之遵而若是歟先生爲人拓落有大志旣與世寡所合遂耽其好於詩詩日多而家日以落意甚得也已而負笈行游千里命駕歷齊魯吳越燕趙中州之墟其所經閱山川偉麗雲樹蒼茫風物之變遷賢豪之晉接羈人思婦之愁歎酒徒劍客之慷慨有槩於中一皆於詩發之故其爲詩疎疎莽莽不拘一格而景象萬千

余固知先生之詩不以才勝而以氣勝也噫亦雄矣余亦素有詩癖者然委靡慵惰不敢以望風雅之末班故於序先生詩而原其得於養氣者如是且因以自勉也



題龔山先生續集

渭北孫枝蔚

看似尋常最奇崛成如容易却艱難龔山詩合荆公語
輕薄兒曹莫浪彈

京口談允謙

因誦荆公憶白公歎君命與古人同不教才展休明代
爲罰詩爭造化工

陽羨陳維崧

字字精工費剪裁篇篇陶冶極悲哀白家老嫗休輕誦
曾見元和藁本來

張文潛以五百金買香山稿本見其
竄改塗乙幾不存一字蓋其苦心如此

春雨春陰又幾朝他鄉寒食總無聊把君丙午詩千卷

吟過城南丁卯橋

時同客潤城

蘭陵鄒祇謨

懸知杜老是前身待與香山作後塵
平淡盡從攻苦得時賢未許鬪清新
君詩字字到空靈易解寧煩老嫗聽
自有太羹元酒味何曾珍重五侯鯖

梁溪錢陸燦

壬子同年作者同陶公杜公與白公
若修歲譜兼詩譜又記龔山江以東

陶公冲澹杜公雄白傳天然造化工
此筆千年誰伯仲

還將半格問方公

白氏長慶集有格詩半格詩
余曾問之先宮保未詳其義

讀君已午兩年詩澹直悲涼信有之
不是苦吟爭得到

晚年須惜數莖髭

意盡言窮是至言
誰于言外意猶存
知君妙解文章味
掩卷如聞仔細論

近來詩卷擅千秋
櫟下官高爾止遊
何事同生壬子歲

竟無一字學崔劉

周櫟園侍郎與爾止俱壬子子亦壬子白香山詩云何事同生壬子歲老

于崔相及劉郎

新安方熊

龔山夫子擅風騷
丙午詩篇體更高
正是蘇公絢爛極

勿因平淡妄訾謗

遊蹤新返自南徐
購得先民龜鑑書
今古丙丁應不錯

隆中抱膝意何如

余岫山先生像

王字

山人一耒字明農別號滄西又忍冬年少才如
不羈馬老來心似後凋松藏身自合豎兼卜園
世誰知魚與龍課板藥囊君莫笑賤詩行酒尚
從容 先生自題戴蒼畫王著臨端木翎生鰓



禽山續集

往四游草西江游係辛丑詩是接壬寅以訖已酉鏡日續集先生自標也

皖桐方文爾止著

壻繡水王槩安節訂

五言古體

送吳錦雯歸杭州

以下壬寅年作

我友官吳門數月卽解組良以性高岸不甯事傴僂兼
之病風眩復不耐勞苦去官意甚適如鹿歸林藪只有
一恨事才子奄羈旅旁人且辛酸何況爾慈父哀痛幾
失明三年不出戶今夏稍稍瘳揚舲至江渚訪我哺雛
軒累夜共滾語花前酒一盃鐙下愁千縷每爲嗣息憂
欲取金陵女女頗有機緣君却無資斧悵然空歸去臨
去又延佇云當八月初干謁往南浦雖有賢主人其地
甚貧窶所願未必諧奔波亦何取勸君早入都一官猶

可補此番須折節力疾趨公府小有三徑資汲汲返園
圃著書與生兒允矣傳千古

送從兄水厓歸里

吾兄有才子

明園子
留也

年少挺風節不受纖塵污皎皎如

冰雪興文復高妙吐詞多激烈其詩數百篇盡是莫弘
血斯世豈能容蘭蕙先秋折海內同心人聞之皆痛絕
何況白頭親焉能免嗚咽屏跡溪山中年將躋大耋仲
夏渡江來了不畏炎熱精力尚強健神明更聰哲觸事
成謳吟夜分猶未輟孟秋復歸去畱戀意難別相約冬
春間重來話淒切幸搜明園詩吾當授剗劂庶爾父子
名異代永不滅

徐月鹿水部署中喜遇八弟退谷

秋田分手時汝云去苕霅便道往西陵地主頗不乏豈
知吳興返卽至天妃牖中路逢使車交情夙所洽遂邀
入官舍清江過殘臘春艸旣萋萋秋風又颯颯良以膠
漆堅故有水乳合我來自金陵蕭然一瓢衲念汝暫停
舟卽欲之濟潔使君聞我來倒屣爲延納摧關事紛紜
夜夜共壺榼淮水多嘉魚兼之有鱗蛤每飲必霑醉笑
謔忘其狎君言黃河邊兵馬正馭還須待其船過慎勿
與之雜莫愁資斧微區畫自有法前年到浙東曾分金
一匣今歲到淮陰其意更周匝感此未忍行况與汝同
榻且坐竹窗間吟聲互相答

賦得萬里一歸人贈張虞山

虞山老詩人秉性和而介雖貧懶出門從未入都會一

朝萬里游直至炎海外爲有同袍者謫居非其罪安忍
孱弱軀孤征獨狼狽欣然別妻子長途共行邁問歸未
有期北風吹衣帶豈知往與還只在二年內瘴癘不能
侵兵戈不能害所歷多險艱身心竟安泰各有詩百篇
清音發天籟却笑楊子雲終年守闌闔

贈劉山臞學憲

吾友愚山子往歲官山東

施尚白也

詞場擅風雅六藝能兼

通以此訓多士聿興鄒魯風接踵良不易乃有山臞公
舉芳自楚澤藻鑑懸秋空所以海岱間二老稱宗工今
我來歷下試事君已終是誰道姓名枉駕先蒿蓬文章
夙相慕臭味欣然同明旦卽嘉招醉眠官舍中出其五
鳳雛一一爲世雄家學旣淵藪問道于顓蒙野人何所

知感歎意無窮

贈于念劬右藩

有客江東來道逢徐拾遺徐子星也停舟飲我酒問我何所
之我行指泰山泊舟于南池因往歷下亭故人曾與期
君言于使君宣化乃在茲欲寄尺素書輕裝安敢辭使
君雅好客久已聞聲思此去得握手傾倒非一卮歷城
富山川躡窈窕尤奇羣公多暇日或可相追隨

重登岱作

昔我游泰山山南無不歷惟餘黃花洞僻遠未搜剔今
我重來游先訪山北石越嶺十五里果見千仞壁其下
有溪洞陰冷泉欲滴危樓撫萬松霜柯鬬寒碧始覺玉
女祠背面分喧寂詩人林與鍾茂之伯敬題詠猶有蹟其他

登岱者此景罕能覲我輩獨流連回嶺日將夕尚想雞
鳴時東峯觀海赤那知天色改寒威侵枕席曉起視階
除大雪已盈尺

投書礪

先儒胡安定篤好此山水結廬在南礪讀書信爲美下
帷將十年竟不歸鄉里家人寄書來投之于礪底恐亂
我心曲勿使聞于耳所以學旣成天下稱夫子我來訪
遺跡高山勤仰止南礪宛然存書堂久已毀重建表師
儒責在州刺史

贈曲憲章州守

岱宗五嶽長諸山無比倫其中青帝居穆穆朝百神凡
民得游者夙世皆有因何況守茲土定爲列仙人前歲

我來此曾與刺史親開尊屬初夏菡萏何鮮新今年重
來此雲壑當秋旻刺史念舊交深夜飲我醇行將乘五
馬作郡東海濱邀我臨淄游不辭分俸頻

曲是時墜
青州守

贈孔輔垣上公

前年謁孔林乃偕趙司李停車僅一日游觀未盡美欲
見衍聖公倉皇無暇晷至今以爲愧馳思曷能已頃自
歷城歸迂道來闕里仰瞻尼防山俯瞰洙泗水因得觀
明公私心頗自喜聞公嗜風雅下筆煙雲起遠近咸稱
之簪纓莫與比予亦老詩人所願執鞭弭

早春喜程崑崙別駕見訪卽送其還潤州

以下癸
卯年作

靄靄青溪濛濛白門雨老夫方荷鋤努力事園圃忽
聞車馬聲衝泥至環堵借問客爲誰潤州程少府少府